



**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068570001; Carinski broj 200068970001  
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
<b>DOP</b>	<b>5 01</b>	<b>81</b>

Strana:  
1 od 1

Broj protokola:

05-1-25-1-5094-27/21

JAVNO

**DATUM:** 04.01.2022. god.

**PRIMALAC:** MACOT SOL d.o.o. Mostar  
PENNY PLUS d.o.o. Sarajevo

**PREDMET:** Obavijest: Nabavka robe – Industrijska so za posipanje kolovoza

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: **Industrijska so za posipanje kolovoza**, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, prihvaćena ponuda ponuđača **MACOT SOL d.o.o. Mostar** za nabavku predmetne robe.

S poštovanjem,



**DOSTAVLJENO:**

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DOP UP 01-3 01 01 Dopis, 2.Izdavanje/Rev 3



	Tel	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opoc@sarajevo-airport.ba
FINANSIJE	+387/ 33/ 289 162	+387/ 33/ 289 234	
KOMERCIJALA	+387/ 33/ 289 177	+387/ 33/ 289 154	comdest@sarajevo-airport.ba
WEB	www.sarajevo-airport.ba		



<b>UPRAVA DRUŠTVA</b>	Strana: 1 od 3
Broj protokola: 05-1-25-1-5694-26/21	JAVNO

Datum: 29.12.2021. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, postupajući po Rješenju Ureda za razmatranje žalbi broj: JN2-03-07-1-3295-8/21 od 16.12.2021. god., u skladu sa Izveštajem Komisije za provođenje postupka javne nabavke robe: Industrijska sol za posipanje kolovoza broj: 04-6-04-7-5694-25/21 od 21.12.2021. god., Uprava J.P. Međunarodni aerodrom "SARAJEVO" d.o.o. na 47. sjednici održanoj dana 29.12.2021. god., donosi

## O D L U K U

### I

Prihvata se ponuda ponuđača **MACOT SOL d.o.o. Mostar** za nabavku robe: Industrijska so za posipanje kolovoza, broj: AS-2510/21, zavedena na protokol Naručioca pod brojem: 06-04-7-5694-6/21 od 22.10.2021. god., koji je ponudio cijenu za navedenu nabavku u iznosu od: **12.000,00 KM (slovima: dvanaest hiljada KM), bez PDV-a.**

### II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

## O b r a z l o ž e n j e

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Industrijska so za posipanje kolovoza, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-5694-3/21 od 05.10.2021. god., a Rješenjem broj: 02-1-04-7-5694-5/21 od 07.10.2021. god., imenovao Komisiju za provođenje postupka nabavke. U skladu sa navedenom Odlukom, Naručilac je proveo postupak nabavke i donio Odluku o izboru najpovoljnijeg ponuđača MACOT SOL d.o.o. Mostar, broj: 02-1-04-7-5694-16/21 od 04.11. 2021. god.

Naprijed navedena Odluka o izboru najpovoljnijeg ponuđača bila je predmetom žalbenog postupka po žalbi ponuđača PENNY PLUS d.o.o. Sarajevo pred URŽ-om koji je Rješenjem broj: JN2-03-07-1-3295-8/21 od 16.12.2021. god., poništio ožalbenu Odluku i predmet vratio ugovornom organu na ponovno odlučivanje.

Postupajući po predmetnom rješenju URŽ-a, Komisija je nastavila sa radom i ponovnim pregledom svih prvobitno primljenih ponuda i konstatovala sljedeće:

- Ponuda ponuđača MACOT SOL d.o.o. Mostar dostavljena je u skladu sa zahtjevima iz Tenderske dokumentacije i ocijenjena formalno - pravno, tehnički i računski ispravnom i prihvatljivom za Naručioca;
- Pregledom ponude ponuđača PENNY PLUS d.o.o. Sarajevo konstatovano je da priloženi atest od Solane Tuzla nije dostavljen u skladu sa tačkom 2.1. podtačka i) Tenderske dokumentacije. Naime, pored činjenice da atest ne sadržava sve elemente tražene Tenderskom dokumentacijom, ipak je iz onih tehnoloških i drugih svojstava predmetne robe koji jesu navedeni u atestu Komisija mogla utvrditi da ponuđena sol ne odgovara opisu robe u Obrascu za cijenu ponude - Aneks II Tenderske dokumentacije.

Na osnovu priloženog atesta može se zaključiti da granulacija soli ne odgovara zahtijevanoj. Tražena je granulacija soli krupnoće zrna u mm: >4,0 max 10%; 2,0-4,0 15-40%; 0,4-2,0 40-70% <0,4 max 15%, a ponuđač je ponudio sol sa granulacijom >4,0 10-15% i <4,0 90-80%.

Nadalje, zahtijevano je da sol sadrži sredstvo protiv stvrdnjavanja min. 50mg/kg, a ponuđač je ponudio sol u kojem je udio sredstva protiv zgrudnjavanja max 10mg/kg, dakle daleko manji od zahtijevanog.

Također, atest ne sadržava podatak o udjelu ostalih hemijskih elementa na osnovu kojih je moguće utvrditi da je sol u granicama ekološke prihvatljivosti, niti sadržaj netopivih materija.

Na osnovu svega navedenog može se konstatovati da ponuđena sol ne odgovara tehničkim zahtjevima soli iz tenderske dokumentacije, samim time nije prihvatljiva za upotrebu posipanja kolovoza i bez detaljnog atesta u skladu sa zahtjevima tenderske dokumentacije, nije moguće konstatovati da sol nema mehaničkih primjesa koje bi onemogućavale prolazak soli kroz posipač.

Nadalje, Komisija je utvrdila da ponuđač nije dostavio potvrdu o dobrom izvršenju posla traženu tačkom 2.1. h) TD kojom je zahtijevana dostava potvrde o dobro izvršenom poslu isporuke soli za posipanje kolovoza (kojom se potvrđuje da je u zadnje tri godine 01.10.2018. – 01.10.2021. uspješno realizovao ugovor isporuke industrijske soli za posipanje kolovoza u ukupnoj vrijednosti od 12.000,00 KM ili više).

Uvidom u ponudu ovog ponuđača Komisija je konstatovala da je isti dostavio referenc listu, sa pet navoda o izvršenim ugovorima, i kopije pet e-mailova upućenih na pet odvojenih e-mail adresa koji treba da predstavljaju zahtjev za izdavanje potvrde za uredno izvršenja ugovora.

Iz priloženih kopija e-mailova nemoguće je utvrditi primaoca mail-a, niti isti sadržavaju bilo kakve podatke iz kojih bi se moglo identifikovati na koju nabavku se odnose.

Ponuđač je predmetne e-mailove uputio na sam dan otvaranja ponuda 25.10.2021. godine, i to u 10,32 sati, a krajnji rok za dostavu ponuda bio je do 12:00h.

Dakle, ponuđač je uputio predmetne zahtjeve za potvrde nešto manje od 90 minuta prije samog roka za otvaranje ponuda, stoga se u tom kontekstu postavilo pitanje ima li mjesta primjeni čl. 48. stav (2) ZJN koji propisuje sljedeće: „U slučaju da takvu potvrdu iz objektivnih razloga ne može dobiti od ugovorne strane koja nije ugovorno tijelo, vrijedi izjava gospodarskog subjekta o uredno provedenim ugovorima uz predočavanje dokaza o učinjenim pokušajima da se takve potvrde osiguraju“.

Komisija je prilikom ocjene ispunjenosti uslova za primjenu ove zakonske odredbe imala u vidu da je ponuđač:

- Tendersku dokumentaciju **preuzeo na dan njene objave 06.10.2021. god. u 10:51h** (kao prvi od svih ponuđača koji su preuzeli TD);
- **ostaluu dokumentaciju pripremio ranije** (npr. ovjera Aktuelnog izvoda iz sudskog registra, kao i ovjera punomoći za podnošenje ponude učinjene su dana 22.10.2021. god.);
- **nije tražio produženje roka za predaju ponuda.**

Pored navedenog ponuđač nije preuzeo bilo kakvu radnju ili na bilo koji drugi način pokazao da nije u mogućnosti blagovremeno pribaviti tražene potvrde

Na osnovu navedenog je ocijenjeno da je ponuđač imao dovoljno vremena da prikupi svu dokumentaciju/dokaze tražene Tenderskom dokumentacijom, odnosno da ne postoje objektivni razlozi za nepribavljanje potvrde.

Na osnovu svega navedenog Komisija predlaže da se ponuda proglasi formalno-pravno neispravnom.

Za ovaj postupak nabavke bila je predviđena e - aukcija i to za kriterij cijene, koja nije održana zbog prijema samo jedne prihvatljive ponude.

Vodeći se činjenicom da jedino ponuda ponuđača MACOT SOL d.o.o. Mostar, za nabavku robe: Industrijska so za posipanje kolovoza, u cjelosti ispunjava uslove date u zahtjevu za dostavu ponude, uz ponuđenu cijenu od: 12.000,00 KM, bez PDV-a, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo je na 47. sjednici održanoj dana 29.12.2021. god., razmotrila dostavljenu preporuku Komisije te je, nakon uvida u cjelokupno provedeni postupak, istu prihvatila i na osnovu člana 64., a u vezi sa članom 89. stav (3) Zakona o javnim nabavkama, donijela Odluku kao u dispozitivu.

**POUKA O PRAVNOM LIJEKU:** Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

DIREKTOR  
Alan Bajić



Prilog: Zapisnik o pregledu i ocjeni ponuda

**DOSTAVLJENO:**

1. Ponuđačima
2. Upravi Društva
3. Sektoru tehnike i održavanja
4. Sektoru komercijale
5. Sektoru finansija
6. Sektoru za PKO poslove
7. a/a